



Broj/ Број : 02/2-50-1-13-15-19/08
Sarajevo/ Сарајево : 23.7.2008.

ZAPISNIK

**15. sjednice Komisije za vanjsku i trgovinsku politiku,
carine, saobraćaj i komunikacije
Doma naroda
Parlamentarne skupštine Bosne i Hercegovine,
održane 10.7.2008.**

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije, u svojstvu članova, prisustvovali su: Alma Čolo, Rudo Vidović, Dušanka Majkić, Slobodan Šaraba i Adem Ibrahimpašić te Nenad Pandurević, sekretar Komisije. Opravdano je odsustvovao Branko Zrno.

Sjednici su, u svojstvu predlagача i izvjestilaca, prisustvovali: Miroljub Krunić, pomoćnik ministra finansija i trezora BiH, Sead Avdić, savjetnik, i Zoran Perković, pomoćnik ministra vanjskih poslova BiH, i Nermina Skejović - Hurić, stručna savjetnica u Ministarstvu vanjske trgovine i ekonomskih odnosa BiH,

Sjednica Komisije počela je u 9 sati.

Nakon što je konstatirala da postoji kvorum, predsjedavajuća Komisije Alma Čolo za sjednicu je predložila sljedeći

DNEVNI RED

1. Usvajanje Zapisnika 14. sjednice Komisije;
2. Davanje saglasnosti za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu,
3. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kliničku bolnicu Mostar;
4. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Dom zdravlja Mostar;

5. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESSELLSCHAFT – Projekat nabavke medicinske opreme za Kantonalnu bolnicu "Safet Mujić", Mostar;
6. Davanje saglasnosti za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Vlade Kraljevine Španije;
7. Davanje saglasnosti za ratifikaciju Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH;
8. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa;
9. Davanje saglasnosti za ratifikaciju Memoranduma o razumijevanju između Vlade Kanade i Vijeća ministara BiH o Kanadskom projektu u primarnoj zdravstvenoj zaštiti na Balkanu;
10. Davanje saglasnosti za ratifikaciju Memoranduma o razumijevanju između Vlade Kanade i Vijeća ministara BiH o Kanadskom projektu za mlade i zdravlje na Balkanu;
11. Davanje saglasnosti za ratifikaciju Konvencije o zaštiti evropskih divljih vrsta i prirodnih staništa;
12. Razmatranje Informacije generalnog konzula Bosne i Hercegovine u Bonu Dragana Dragića o nasilnom ulasku u zgradu Generalnog konzulata BiH u Bonu (Dopis Kolegija Doma naroda broj: 02-50-1-24-16-8/08, od 17.6.2008.);
13. Razmatranje izvještaja s putovanja:
 - Izvještaj delegacije Zajedničke komisije za administrativne poslove Parlamentarne skupštine BiH o posjeti Odboru za izbor, imenovanja i upravne poslove Hrvatskog sabora, 13.5.2008.;
14. Tekuća pitanja:
 - Zapisnik sa sastanka Komisije za vanjske poslove PDPSBiH i Komisije za vanjsku i trgovinsku politiku, carine, saobraćaj i komunikacije DNPSBiH s novoimenovanim ambasadorima BiH, održanog 26.6.2008.;
 - Upoznavanje s odgovorom Regulatorne agencije za komunikacije BiH Upravnom odboru Javnog RTV sistema BiH u vezi sa zahtjevom za povećanje RTV takse, podnesenog od Upravnog odbora Javnog RTV sistema BiH.

Predloženi dnevni red jednoglasno je usvojen.

Ad.1. Usvajanje Zapisnika 14. sjednice Komisije

Zapisnik je usvojen jednoglasno.

Ad.2. Davanje saglasnosti za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu,

Sjednici Komisije nije prisustvovao predstavnik Ministarstva finansija i trezora BiH u čijoj je nadležnosti predmetni sporazum. Međutim, *članovi Komisije jednoglasno su odlučili predložiti Domu naroda davanje saglasnosti za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu.*

- Ad.3. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kliničku bolnicu Mostar**
- Ad. 4. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Dom zdravlja Mostar**
- Ad. 5. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kantonalnu bolnicu "Safet Mujić", Mostar**

Predsjedavajuća Komisije Alma Čolo predložila je da se ova tri sporazuma razmatraju zajedno. U ime Ministarstva finansija i trezora BiH, kao nadležnog ministarstva, uvodno obrazloženje podnio je Miroljub Krunić, pomoćnik ministra. Istakao je da je procedura zaključivanja za sva tri navedena sporazuma provedena u skladu sa zakonom i da su sporazumi potpisani. Sporazumi se naslanjaju na okvirni sporazum koji je Bosna i Hercegovina potpisala s Republikom Austrijom. Sporazumi imaju elemente koncesionalnosti a na drugoj strani sporazumom se stimulira izvoz proizvoda austrijskih kompanija. Bosnu i Hercegovinu u sva tri sporazuma zastupa Ministarstvo finansija i trezora BiH, dok je obveznik za sva tri sporazuma Federacija Bosne i Hercegovine. Krunić je na kraju pozvao članove Komisije da Domu naroda predlože davanje saglasnosti za ratifikaciju sva tri navedena sporazuma.

Nakon izlaganja predstavnika nadležnog ministarstva, članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kliničku bolnicu Mostar,*
- *Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Dom zdravlja Mostar,*
- *Sporazuma o kreditu između Bosne i Hercegovine i BAWAG P.S.K. BANK FÜR ARBEIT UND WIRTSCHAFT UND ÖSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kantonalnu bolnicu "Safet Mujić" Mostar.*

- Ad.6. Davanje saglasnosti za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Vlade Kraljevine Španije**
- Ad.7. Davanje saglasnosti za ratifikaciju Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH**

Uvodno izlaganje za oba sporazuma dao je Miroljub Krunić, pomoćnik ministra finansija i trezora BiH. U vezi s Programom finansijske saradnje između BiH i Kraljevine Španije, naglasio je da je sva procedura zaključivanja sporazuma provedena u skladu sa zakonom i da je sporazum, odnosno program potpisan. Programom Vlada Kraljevine Španije stavlja Bosni i Hercegovini na raspolaganje finansijska sredstva u iznosu od 40 miliona eura. Program ima elemente koncesionalnosti prema OECD uslovima. Sada je potrebno predlagati konkretne kreditne ugovore prema prioritetima i oblastima kako je to definirano Programom finansijske saradnje.

U vezi sa Sporazumom između BiH i Kraljevine Norveške, istakao je također da je procedura okončana i da je Sporazum potpisan. Sporazum predviđa da će Norveška učestvovati u troškovima obnove zgrade sa 80%, odnosno 1,2 miliona eura. Na kraju, Krunic je pozvao članove Komisije da predlože Domu naroda davanje saglasnosti za ratifikaciju oba sporazuma.

Nakon toga, članovi Komisije jednoglasno su odlučili predložiti Domu naroda davanje saglasnosti za ratifikaciju:

- *Programa finansijske saradnje između Vijeća ministara BiH i Ministarstva industrije, turizma i trgovine Vlade Kraljevine Španije,*
- *Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH.*

Ad. 8. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa

Mada predstavnici Ministarstva sigurnosti BiH nisu prisustvovali sjednici, članovi Komisije jednoglasno su odlučili predložiti Domu naroda davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa.

Ad. 9. Davanje saglasnosti za ratifikaciju Memoranduma o razumijevanju između Vlade Kanade i Vijeća ministara BiH o Kanadskom projektu u primarnoj zdravstvenoj zaštiti na Balkanu

Ad. 10. Davanje saglasnosti za ratifikaciju Memoranduma o razumijevanju između Vlade Kanade i Vijeća ministara BiH o Kanadskom projektu za mlade i zdravlje na Balkanu

Komisija je zajedno razmatrala ova dva memoranduma. Iako predstavnici Ministarstva civilnih poslova BiH, kao nadležnog ministarstva, nisu prisustvovali sjednici, *Komisija je jednoglasno odlučila da predloži Domu naroda davanje saglasnosti za ratifikaciju Memoranduma o razumijevanju između Vlade Kanade i Vijeća ministara BiH o Kanadskom projektu u primarnoj zdravstvenoj zaštiti na Balkanu i Memoranduma o razumijevanju između Vlade Kanade i Vijeća ministara BiH o Kanadskom projektu za mlade i zdravlje na Balkanu.*

Ad. 11. Davanje saglasnosti za ratifikaciju Konvencije o zaštiti evropskih divljih vrsta i prirodnih staništa

Uvodno izlaganje u vezi s pomenutom konvencijom podnijela je Nermina Skejović – Hurić, stručna savjetnica u Ministarstvu vanjske trgovine i ekonomskih odnosa BiH. Istakla je da je Bosna i Hercegovina obavezna prema evropskim standardima da ima najmanje 10% zaštićenih područja. Dodala je da je Konvencija o zaštiti evropskih divljih vrsta i prirodnih staništa potpisana u Bernu, 19. septembra 1979. Ova konvencija naslanja se na Konvenciju o biodiverzitetu, te ujedno predstavlja i osnovu za preuzimanje dvije direktive Evropske unije: Direktive o pticama i Direktive o staništima.

Nakon izlaganja predstavnice Ministarstva vanjske trgovine i ekonomskih odnosa BiH, *članovi Komisije jednoglasno su odlučili predložiti Domu naroda davanje saglasnosti za ratifikaciju Konvencije o zaštiti evropskih divljih vrsta i prirodnih staništa.*

Ad.12. Razmatranje Informacije generalnog konzula Bosne i Hercegovine u Bonu Dragana Dragića o nasilnom ulasku u zgradu Generalnog konzulata BiH u Bonu (Dopis Kolegija Doma naroda broj: 02-50-1-24-16-8/08, od 17.6.2008.)

Predsjedavajuća Komisije Alma Čolo je u uvodnom izlaganju podsjetila da je Kolegij Doma naroda Parlamentarne skupštine BiH zadužio Komisiju da razmotri Informaciju generalnog konzula Bosne i Hercegovine u Bonu Dragana Dragića o nasilnom ulasku u zgradu Generalnog konzulata BiH u Bonu.

U ime Ministarstva vanjskih poslova BiH obrazloženje navedene informacije dao je Zoran Perković, pomoćnik ministra vanjskih poslova BiH. U obrazloženju je istaknuto da gosp. Dragić nije bio generalni konzul, nego vršilac dužnosti generalnog konzula u Bonu, odnosno da nije bio imenovani zvaničnik Bosne i Hercegovine nego državni službenik, te da je time navedeni problem u potpunosti u nadležnosti Ministarstva vanjskih poslova BiH.

Dušanka Majkić, prva zamjenica predsjedavajuće, istakla je da sve ovo ostavlja mučnu sliku. Međutim, iako je Kolegij Doma naroda zadužio Komisiju da razmotri dostavljenu informaciju, istakla je da smatra da ona nije u nadležnosti Komisije. Odluku o zatvaranju Generalnog konzulata donijelo je Predsjedništvo BiH u okviru racionalizacije ukupne diplomatsko-konzularne mreže i gosp. Dragić vraćen je nakon što je Generalni konzulat zatvoren.

Adem Ibrahimpašić također je predložio da Komisija zaključi da nije nadležna za ovu problematiku.

Nakon rasprave, na prijedlog predsjedavajuće Alme Čolo, Komisija je jednoglasno primila k znanju Informaciju i konstatirala da za nju nije nadležna s obzirom da se radi o redovnim operativnim pitanjima iz nadležnosti Ministarstva vanjskih poslova BiH.

Ad. 13. Razmatranje izvještaja s putovanja:

– Izvještaj delegacije Zajedničke komisije za administrativne poslove Parlamentarne skupštine BiH o posjeti Odboru za izbor, imenovanja i upravne poslove Hrvatskog sabora, 13.5.2008.;

Članovi Komisije jednoglasno su primili k znanju izvještaj s putovanja.

Ad.14. Tekuća pitanja:

– Zapisnik sa sastanka Komisije za vanjske poslove PDPSBiH i Komisije za vanjsku i trgovinsku politiku, carine, saobraćaj i komunikacije DNPSBiH s novoimenovanim ambasadorima BiH, održanog 26.6.2008.;

– Upoznavanje s odgovorom Regulatorne agencije za komunikacije BiH Upravnom odboru Javnog RTV sistema BiH u vezi sa zahtjevom za povećanje RTV takse, podnesenog od Upravnog odbora Javnog RTV sistema BiH.

Članovi Komisije razmotrili su i jednoglasno primili k znanju Zapisnik sa sastanka Komisije za vanjske poslove PDPSBiH i Komisije za vanjsku i trgovinsku politiku, carine, saobraćaj i komunikacije DNPSBiH s novoimenovanim ambasadorima BiH i dopis Regulatorne agencije za komunikacije BiH Upravnom odboru Javnog RTV sistema BiH u vezi sa zahtjevom za povećanje RTV takse.

Sjednica Komisije završena je u 9,30 sati.

Sekretar Komisije
za vanjsku i trgovinsku politiku,
carine, saobraćaj i komunikacije
Nenad Pandurević

Predsjedavajuća Komisije
za vanjsku i trgovinsku politiku,
carine, saobraćaj i komunikacije
Alma Čolo